

泉州府志

第十五册

卷之三十一至

卷之三十一

K295.7

2

泉州府志

第十五卷

卷十五

卷十五

卷十五

八

泉州府志卷之三十

名宦二

明

興泉道

余燝字德明號柏坡樂平人嘉靖辛卯舉人乙未進士二十六年由禮科給事中出爲福建按察司僉事分巡興泉道值安溪崇信里白葉坂九龍崗大小尖諸寇劫掠安溪徑抵同安郊外劫數大家質其男女以索贖屯二十里外弗去燝聞警立調官民兵遣文武將吏分部追

賊賊回安溪復保險旅拒曠馳入安溪合諸兵選其鋒
銳親將之進逼白葉坂口斬首數十級兵勢大振休兵
甄賞効力死戰者得上賞於是人人爭奮遂進逼諸險
搏鬪數十合相持幾一月以其閒探調巢穴遠近險易
分兵掩擊賊之巨魁陳曰輝與其黨悉就擒遂空其巢
復建議設營屯兵於白葉口彈壓俾姦民日後不敢保
聚安溪人感其德勒石紀之

節小山類稿

萬民英號育吾易州人嘉靖庚戌進士四十一年以御史
出爲分巡

部捍禦捍前持後恒身先將士剿滅之復時時召致謀
勇入軍撫諭凡所以措斯民於平康者無所不用其極
自是方隅寧謐民得粒食安居皆受其賜建祠洛陽橋
之中祀之立碑紀焉陞本省叅議

節林次
崖文集

沈應科常熟人由進士萬歷十四年任興泉道副使廉而
不矯明而不苛威而不怒中外上下洞徹如鏡陳憲布
常文武吏凜凜用命巡行海上長風大濤中躬拊循而
勉之儆戒張皇長鯨遠徙武備旣肅文教益綏歲稔民
和疵癘不作兩載遷粵西叅政郡縉紳觴之清源山頂

以餞其行太史莊履豐爲之序

卽梅谷集

楊際會容縣人由進士萬歷二十三年任按察司副使備兵興泉時倭難稍靖東封之使未行郡邑戒嚴際會檄諸樓船下瀨將軍各嚴汛守簡士厲兵民恃無虞復申保伍比閭之法枹鼓不驚暇則進諸生談文課藝贍其貧者斥其不率教者強宗豪右各奉要束郡東有二水一曰東湖廣百十畝遍灌東山下田一曰東濠開喉引潮灌負郭出通上游諸縣芻薪粟米歲久侵牟者實湖邊規爲田斷濠幹規爲池湖日隘而濠日夷乙未自正

月至六月不雨際會出郭祈禱民攀輿白曰湖廣不及
昔之九濠長不及昔之三向之水今幾爲陸際會憑軾
指曰濠湖相阻一葦閒耳東湖且湮其身高於湖之支
海水能潮其漲亦能高於湖之身獨不可鑿潮納湖湖
水溢洩之海涸卽潮入焉不灌東山田如故乎不可壞
近濠諸污地注潮東郭下田引舟納芻米如故乎下令
亟鑿之不三日雨旣數月歲成舟楫得通民以大便懼
後有強梗而莫之杜也勒石紀其事金誌明德焉同時
復以南鄉之田多涸蒿目憂心咨求水利有謂溜石故

渠可通活水者往視之南北相距僅數百武無陵谷相
限無壞人廬無移人塚一陡門圯弗治故蹟宛然遂檄
郡邑委官董役都民間之懽呼恐後執畚持耰不戒雲
集甫十日而竣功流水下注清可鑒髮沮洳之澤俱爲
巨浸時里正農夫環而嘯歌者以億計際會賜之酒席
賚以花幣人爭加額謂公來何暮也里人蘇濬黃懋新
隨觀落成忽報新水方漲又長四尺濬歌曰風習習兮
水泱泱水泱泱兮生稻梁江流萬里指扶桑與君坐兮
水中央借江流兮泛霞觴閑鷗浴鷺晚相將遡餘波兮

流且長何以贈之蘭爲裳懋新和曰溜石之水清且旨
一瀉汪洋幾千里百年湮沒人不知疏渠自我楊侯始
楊侯一語萬民趨神爲役兮鬼爲驅變瘠土兮爲膏腴
公來視我樂于于遂勒石以記之

陳治本餘姚人由進士萬歷三十五年任福建按察司僉
事備兵興泉時天行失叙年歲不登譸張之徒閒起爲
幻民惴惴焉日夜苦無生治本以素絲節儉之風行撫
循綏輯之政恩威並用文武互劑郡邑長莫不白意赤
心各奏乃職以襄春臺之理於是政通人和五穀豐收

幻者匡懦者靖環海之民羣頌其德云陞本省叅政節

雲

臺藏

藁

張廷相號程川金谿人由進士萬歷三十九年任按察司
副使備兵興泉民俗黠悍訟獄叢滋島與星羅海寇竊
發至則日討法紀簡軍實而以清靜鎮之小大之獄郡
邑每上爰書輒參覈平亭臻于明允關士裨將奉威德
如清霜湛露有超距思奮拔旃賈勇之風諸猜置規畫
皆操之堂皇四馳境外未及期而獄訟清紀綱振黃墨
綬肅肅逡巡沿海桴鼓無驚兩郡士民交口頌德

韓仲雍字璧哉三河人由進士萬歷閒任布故司叅議備
兵興泉下車申飭屬吏詰奸芟頑恤弱安良扞城固圉
而澡德自將以身先之會秋八月颶風大作淫雨累日
廬舍淹沒數千家官署亦湛于水仲雍出塗泥中諭所
司拯援露處者棲之饑者餽之漂流禪榜不得其主名
者給官錢收瘞之蠲賦緩征列狀以聞仍請借公帑告
糶吳粵舟集而市價平減民忘其災復明干振約保伍
固關柵覈游徼以戢偷于內蒐軍實結餘皇重汎地遠
哨探以禦暴于外諄諄勅文武吏維謹張弛有方嚴碩

中度閭閻之下有閔必疏無幽不灼士民頌之尤精形
家言以諸溪之水入海建領直下乃於海門建塔鎮之
高可備守望旁爲周廬數百且營一軍焉費取轉糴之
羨毫不及民年餘擢本省副使

節雲臺
藏菜

詹士龍號見吾永豐人萬歷閒任興泉道布政司叅議喜
愠不形競絀無頗歲祲饑疫相繼轉糴於廣曲爲乳哺
之施藥平糶勸農禁屠三令五申年以豐稔市井無賴
蜂貪狼詭莫籍主名申比閭保伍之條嚴令禁戒之海
波不靖荏苒時警崇武之關入石鼓之訛亂民方驚竄

士龍不動聲色躬歷海上按視險易差次良楮陰授方
畧解散亂黨又以閒謀誘海之盜魁置幕府不折一矢
而桴鼓無驚泉故有叅遊後裁草水陸寨兵分隸東南
急不可猝召更爲奏請設專官統攝之脩葺 文廟建

社壇城堞橋梁以次更新在任七年廉以率屬靜以鎮

囂政肅而知威惠行而知德遷廣東觀察使士民攀轅

臥轍不可留勒碑以誌去思焉

節霞棲藏稿
干集雲臺藏稿

陸卿任字天隨武進進士由禮部郎天啓間任興泉道春
風襲人德意蒸藹遇早步禱立應歲以有秋簡飭車徒

立標比試俾超距者咸自奮海疆嚴密至臺灣淡水莫

不凜其威德

節敬
口草

曾櫻字仲含號二雲峽江人萬歷丙辰進士先爲漳南道

會剿九連山洞寇有功崇禎四年任兵巡興泉道叅政

時海上多事紅夷與海寇劉香衝突閩廣巡撫熊文燦

知櫻前功移咨吏部就近補用故推是缺鄭芝龍求撫

撫軍鄒維璉慮其跋扈難制櫻以全家保之授爲先鋒

適紅夷犯泉漳芝龍焚其舟夷驚遁劉香等寇粵東芝

龍以舟師追擊盡殲其衆櫻遂開洋禁與貧民貿易由

是海氛悉靖監司鮮視民事櫻視其重者輒親提權豪
懾戢泉屬斗桮無定催租僕役於桮外橫征加以淋尖
變起倉卒擒亂首治之較正斗桮一郡獲安海舶珍奇
唾若糞土卽贖鍰麾不顧清源茶餽外無長物也公餘
與紳士講學清源洞以躬行實踐爲先莫不爭自濯磨
奉爲儀式廩廩德讓還鄒魯舊觀泉人爲構二雲書院
於羅一峯書院之西累遷工部侍郎唐王時以工部尙
書進東閣大學士兼吏部尙書唐王敗櫻浮家鷺島
大師至城將陷家人請登舟櫻曰此地正吾死所豈復泛

海求活耶于二月晦夜自經于所居樓上門人陳泰負骸棺殮顏色如生所著有四書五經管見

節敬日草

游明宇大昇江西豐城人天順七年爲按察僉事提督學

政以公廉著愛民禮士政教具舉建同安文廟之大成

門成化五年擢任副使仍督學力行古義以禮教率士

判復同安學地以爲射圃卒於官八郡諸生爲位哭之

同人士久益感慕相與請祠於學

○按此已載省志以其有造於同安獨多

同人祠之故同安志復載入今仍載入府志

熊汲江西南昌人嘉靖二十二年以憲副提閩學與諸生

講解率恨切義理聽者聳然操履方正不可干以私三
誨人則豈弟可親沒後閩士思之請于督學朱公通祀
閩學之名宦

○按此應入省志因通志遺漏而同安志獨載之故仍採入

汪埒字仲宏休寧人嘉靖閒按察僉事分部福寧倭卒起
議徵海上兵備福寧埒以夷舟順風而來所至皆戰地
徒備福寧無益不若移戍沿海要害爲便時寇犯同安
甚急有死罪人陳嘉任等七人在獄勇力可將埒召令
討賊贖死七人感奮出爲先鋒遂斬首三十擒七十二
人賊遁去事聞詔錄其功而七人者咸貸死同民祠之